

REPUBULIKA Y’U RWANDA



INTARA Y’AMAJYEPFO

AKARERE KA KAMONYI

B.P. 03 MUHANGA

E-mail: kamonyidistrict@yahoo.fr

IBYEMEZO B Y’INAMA NJYANAMA Y’AKARERE KA KAMONYI N° 47 /07.02/08/CD

IBYEMEZO BY’INAMA ISANZWE Y’INAMA NJYANAMA Y’AKARERE KA KAMONYI YATERANYE KU WA 18 GASHYANTARE 2015

Kuri uyu wa Gatatu tariki **18 Gashyantare 2015** ku biro by’Akarere ka **KAMONYI** guhera saa yine n’iminota icumi (**10H10**) hateraniye inama isanzwe y’Inama Njyanama iyobowe n’Umuyobozi w’Inama Njyanama Bwana **KARURANGA Emmanuel**. Inama ikaba yatangijwe isengesho.

Umuyobozi w’inama yibukije Abajyanama ingingo ziribusuzumwe n’Inama Njyanama ari zo:

1. Kwemeza inyandiko isanzwe y’Inama Njyanama yo ku wa 20 Ugushyingo 2014
2. Raporo y’Amakomisiyo ahoraho agize Inama Njyanama
3. Raporo y’ibikorwa by’Akarere igihembwe cya II/ 2014 - 2015
4. Kwemeza ivugururwa ry’ingengo y’Imari y’Akarere umwaka wa 2014 – 2015 na raporo ku ishyirwa mu bikorwa ry’ingengo y’imari y’Akarere igihembwe cya II/2014 – 2015
5. Raporo y’umugenzuzi bwite w’Akarere igihembwe cya II/2014 – 2015
6. Imiterere y’Imirimo mu karere ka KAMONYI
7. Ibindi

Ku ngingo y’ibindi Abajyanama bemeje ko hiyongeraho:

- Umwiherezo w’Abagize Inama Njyanama
- Gushyiraho Akanama gashinzwe gukurikirana imitungo itagira bene yo

Umuyobozi w'inama yamenyesheje kandi Abajyanama ko ingingo irebana na raporo y'umugenzuzi bwite w'Akarere igihembwe cya **II/2014 – 2015** itaribusuzumwe kubera ko ba Abagenzuzi bwite b'Akarere badahari bari mu gikorwa cy'ubugenzuzi ku bwisungane mu kwivuza cyateguwe n'urwego rw'Igihugu.

Abajyanama bagize Inama Njyanama y'Akarere ka **KAMONYI** bamaze kwemeza ingingo ziribusuzumwe uko zikurikirana bafashe ibyemezo bikurikira:

Ingingo ya 1: Kwemeza inyandikomvugo y'inama isanzwe y'Inama Njyanama yo ku wa 20 Ugushyingo 2014

Abajyanama bamaze kuyikorera ubugorongingo, bemeje inyandikomvugo y'inama isanzwe y'Inama Njyanama yateranye ku wa **20 Ugushyingo 2014**.

Ingingo ya 2: Raporo y'ibikorwa by'Akarere igihembwe cya II/ 2014 - 2015

Abajyanama bamaze kugezwaho ibikorwa byakozwe n'Akarere igihembwe cya **II/ 2014 – 2015** bashimye ibyagezweho basaba ko ibikorwa biri mu mihigo bigaragara ko itaragerwaho hashyirwamo ingufu kugirango igihe gisigaye izabe yagezweho .

- Ku bijyanye n'igihingwa cy'imyumbati Abajyanama basabye ko hakurikiranwa uko imbuto ihabwa abahinzi ari nziza
- Ku bijyanye n'umuhigo wo kubaka Biogaz ; Nyuma y'impungenge Abajyanama bagaragaje ku myubakire n'imikorere yazo, Abajyanama basabye ko habaho ubuvugizi .

Ku mugereka w'ibi byemezo murahasanga raporo y'ibikorwa by'Akarere igihembwe cya II/ 2014 – 2015

Ingingo ya 3: Kwemeza ivugururwa ry'ingengo y'Imari y'Akarere umwaka wa 2014 – 2015 na raporo ku ishyirwa mu bikorwa ry'ingengo y'imari y'Akarere igihembwe cya II/2014 – 2015

Umunyamabanga Nshingwabikorwa w'Akarere ka KAMONYI Bwana **BAHIZI Emmanuel** , amaze kugeza ku Bajyanama ishyirwa mu bikorwa ry'ingengo y'imari igihembwe cya II/ 2014 – 2015 bikaba bigaragara ko imaze gushyirwa mu bikorwa ku kigero cya **56.45%** kugera tariki ya **18 Gashyantare 2015** bashimye uburyo yashyizwe mu bikorwa.

Abajyanama bemeje ingengo y'imali ivuguruye y'umwaka wa **2014 – 2015** ingana na **10 573.390.716** ikaba yiyongereyeho **3%**.

Ku mugereka w'ibi byemezo murahasanga raporo ku ishyirwa mu bikorwa ry'ingengo y'imari igihembwe cya II/2014 – 2015 n'ingengo y'imali ivuguruye y'akarere ka KAMONYI umwaka wa 2014 - 2015

Ingingo ya 4: Raporo y'Amakomisiyo ahoraho agize Inama Njyanama

Abajyanama bamaze kugezwaho raporo ku bikorwa by'Amakomisiyo ahoraho agize Inama Njyanama babishimye bemeza ibi bikurikira:

- Ku bijyanye n'imikorere ya za SACCOS z'Imirenge;; Abajyanama bemeje ko hakomeza gukorwa ubugenzuzi ku mikorere yazo zose;
 - Ku bijyanye n'ibikoresho bikoreshwa mu bikorwa bitandukanye biterwa inkunga na VUP; Abajyanama basabye Ubuyobozi bw'Akarere kunoza imikoreshereze n'emicungire yabyo.
 - Abajyanama bemeje ko hakorwa ubugenzuzi ku micungire ya VUP mu Mirenge yose
- ✚ Ku birebana na raporo ya Komite Ngezuzi ku birebana n'inyerezwa ry'umutungo wa "Pharmacie" ryakozwe n'Umucungamali wayo Madame **MUKASHYAKA Djamila** , nyuma y'amakosa yakozwe Abajyanama bafashe ibyemezo bikurikira:
- Ku birebana n'abasinya kuri konti za "Pharmacie" nyuma y'amakosa agaragara bakoze ;hemejwe ko Komite Nyobozi y'Akarere izabandikira ibasaba ibisobanuro aba bakurikira ku makosa bakoze:
 - ✓ Bwana **GAFURUMBA Félix** : Umukozi w'Akarere ushinze ubuzima akaba na Perezida w'Inama y'Ubutegetsi ya Pharmacie y'Akarere
 - ✓ Bwana **HABIMANA Téléspore**: Umuyobozi wa Pharmacie
 - Naho Umuyobozi w'Inama Njyanama azandikira Umunyamabanga Nshingwabikorwa w'Akarere Bwana **BAHIZI Emmanuel** amusaba ibisobanuro nawe ku makosa yakoze
 - Abajyanama bemeje kandi ko Bwana **GAFURUMBA Félix** wari Perezida w'Inama y'ubutegetsi ahagarikwa kuri uyu mwanya.

Ingingo ya 5: Imiterere y’Imirimo mu Karere ka KAMONYI

Kuri iyi ngingo Abajyanama bamaze gusanga nta makuru ahagije bafite; bemeje ko iyi ngingo yimurirwa mu nama idasanze y’Inama Njyanama. Abakozi bashyirwaho n’Inama Njyanama hemejwe ko baba bari mu myanya y’akazi by’agateganyo.

Ingingo ya 6: Ibindi

- **Gushyiraho Akanama gashinzwe gukurikirana imitungo itagira bene yo**

Abajyanama bashingiye ku itegeko N° 28/2004 ryo ku wa 3 /12/2004 bemeje abagize Akanama gashinzwe imitungo itagira bene yo bakurikira:

- ✓ RWIZIHIRWA Innocent
- ✓ MAJYAMBERE Samuel
- ✓ UWAMAHORO Prisca
- ✓ MUREKATETE Marie Goretti
- ✓ UMUHOZA Alexia

- **Umwiherero w’abagize Inama Njyanama y’Akarere**

Abajyanama bemeje ko Biro y’Inama Njyanama na Komite Nyobozi y’Akarere bazabyigaho bakemeza igihe umwiherero uzabera n’aho uzabera.

Inama yashoje imirimo yayo saa kumi n’iminota makumyabiri (16H20)

Ku mugereka w’ibi byemezo murahasanga urutonde rw’Abajyanama bafashe icyemezo kuri buri ngingo.

NIKUZE Marie Chantal

Umunyamabanga w’Inama Njyanama

KARURANGA Emmanuel

Umuyobozi w’Inama Njyanama